



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

Broj, 04/5-02-850/23

Sarajevo, 22.2.2023.godine

ZAPISNIK

Sa 11. sjednice Vijeća nacionalnih manjina Federacije Bosne i Hercegovine, održane 27.2.2023.godine.

Jedanaesta sjednica Vijeća nacionalnih manjina Federacije Bosne i Hercegovine održana je 27.2.2023..godine, sa početkom u 13,00 sati.

Prisutni na sjednici su bili sljedeći članovi: Hidajeta Redžić, Džemina Zejnullahu, Elma Softić-Kaunitz, Dejan Piotrovski, Davor Ebner, Bruno Palestra, Mišo Ćirko, Velibor Kuvač, Violeta Džolan, Zehra Obarčanin, Irma Muratović.

Sjednici nisu prisustvovali: Admira Biberović, Alaga Suljić, Elvisa Jusić, Emil Bakoš, Emin Fafulić, Mehmed Suljić, Nermin Geca, Vladimir Lukičević, Dervo Sejdić, Davorka Drijenčić.

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 11. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje Zapisnika sa 10. sjednice Vijeća nacionalnih manjina FBiH;**
- 2. Prijedlog za održavanje sastanka predstavnika VNMFBiH sa Visokim predstavnikom (HR) međunarodne zajednice u BiH.**
- 3. Informacija o nastavku angažmana Misije OSCE na izmjeni-dopuni Zakona o zaštiti prava pripadnika NM u FBiH.**
- 4. Tekuća pitanja.**

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

1. Usvajanje zapisnika sa desete sjednice Vijeća nacionalnih manjina FBiH;

Predsjedavajuća Vijeća je pozvala prisutne članove na glasanje o usvajanju zapisnika sa desete sjednice Vijeća nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

2. Prijedlog za održavanje sastanka predstavnika VNMFBiH sa Visokim predstavnikom (HR) međunarodne zajednice u BiH.

Predsjedavajuća je predložila održavanje sastanka predstavnika Vijeća nacionalnih manjina Federacije Bosne i Hercegovine s Visokim predstavnikom međunarodne zajednice u BiH te iznijela prijedlog o pozivanju i predstavnika Vijeća nacionalnih manjina Bosne i Hercegovine. Predsjedavajuća je istakla da je potrebno ukazati Visokom predstavniku na problem Vijeća nacionalnih manjina FBiH, odnosno iskazati nezadovoljstvo na svoj status, razgovarati o presudi Sejdić-Finci koja se zanemaruje te ukazati na nezadovoljstvo nacionalnih manjina koje je rezultat i zapostavljanja statusa nacionalnih manjina u odnosu na „hrvatska pitanja“ koja su trenutno jedina u fokusu. Vijeće je jednoglasno donijelo:

ZAKLJUČAK

Vijeće nacionalnih manjina FBiH će organizovati sastanak predstavnika Vijeća sa Visokim predstavnikom međunarodne zajednice u BiH na kojem će razgovarati o problemima Vijeća nacionalnih manjina FBiH kao i pripadnika nacionalnih manjina u Federaciji BiH. Na sastanak će Vijeće pozvati i predstavnike Vijeća nacionalnih manjina Bosne i Hercegovine.

Velibor Kuvač je predložio da jedna od teza razgovora sa Visokim predstavnikom bude i definicija pojma „Ostali“ i njegova trenutna asolutna zloupotrebe.

3. Informacija o nastavku angažmana Misije OSCE na izmjeni-dopuni Zakona o zaštiti prava pripadnika NM u FBiH.

Predsjedavajuća je podsjetila članove da je OSCE napravio prijedlog izmjena i dopuna Zakona o zaštiti prava pripadnika NM u FBiH, te je istakla da se radi o jako kvalitetnom prijedlogu. Predsjedavajuća je mišljenja da Vijeće treba da nastavi saradnju sa OSCE-om. Kao važnu izmjenu je istakla a i podržala prijedlog da u Vijeću bude samo jedan predstavnik svake nacionalne manjine. Osvrnula se na činjenicu da u Vijeću mandat ima sedam pripadnika romske nacionalne manjine, a da ni jedan od predstavnika nije prisutan na sjednici iako je to najveća i najugroženija nacionalna manjina u FBiH, te ukoliko izmjenom Zakona bude predviđeno da samo jedan pripadnik nacionalna manjine predstavlja tu nacionalnu manjinu u Vijeću, Vijeće bi bilo funkcionalnije u pogledu kvoruma za održavanje sjednice, koji je bio za ovu vrlo upitan. Predsjedavajuća je informisala Vijeće da se prije nekoliko dana sastala sa Amelom Tandrom iz Misije OSCE-a, koja je istakla da Misija OSCE-a nije primila stav Vijeća za izmjenu Zakona, te je potvrdila da su zaprimili samo nacrt Zakona od predsjednice Komisije za ljudska prava i slobode Predstavničkog doma iz prošlog mandata.

Za riječ se javio Velibor Kuvač te informisao Vijeće da se planira sastanak svih Vijeća koji organizuje OSCE u Brčkom, a koji će se održati u aprilu. Cilj sastanka je održavanje šire rasprave o potrebi izmjene Zakona. Istakao je da je to prilika da se predlože izmjene i dopune Zakona. Dodao je da se slaže sa prijedlogom da je jedan predstavnik svake nacionalne manjine dovoljan u Vijeću. Također je istakao da pri Vijeću ministara postoji Odbor za Rome, u kome skoro sve romske zajednice imaju svog predstavnika i rješavaju isključivo pitanja vezana za Rome, te da nema potrebe da i u jednom od Vijeća bude više Roma u odnosu na predstavnike drugih nacionalnih manjina.

Na temu nedostatka kvoruma, predložio je analiziranje statistike prisustva sjednicama članova Vijeća te upozoravanje članova koji ne prisustvuju redovnim sjednicama.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

Dejan Piotrovski je istakao da i na državnom nivou samo jedan predstavnik predstavlja svoju nacionalnu manjinu, te se složio sa prijedlogom da Vijeće apeleuje da se isti uvrsti u izmjenu Zakona.

4. Tekuća pitanja.

Po ovoj tački dnevnog reda nije bilo rasprave

Sjednica je završena u 14:00 sati.

PREDSJEDAVALA VIJEĆA

Hidajeta Redžić